


增訂廣筆記 上卷

內務省圖書
 第...號
 部書...類
 函...冊

漢書門
 一 二 三 四
 五 六 七 八
 九 十 十一 十二
 十三 十四 十五 十六
 十七 十八 十九 二十
 冊架函號類

內閣文庫
 漢書
 函號

| | | | |
|------|----|-----|-------|
| 內閣文庫 | 番號 | 漢 | 12436 |
| | 冊數 | 3 | (1) |
| | 函號 | 301 | 80 |



重鐫繹仲醇先

生廣筆記

種德堂
藏板

序

古郭丁長孺

先生世



好醫學而

獨心服吾師仲醇先生蓋稽其

立有徵驗之事不忒一方一案

必輯而錄之以公海內所謂先

醒齋筆記無不以為枕中鴻寶



廣雅言
庚
矣金沙好事者復廣之增所未
備不無小補顧余佩服師訓雅
欲家守其說人師其用而舊刻
遠藏他郡未必遐迩流通首春
無事簡閱故本刪其餘論附以
臆說追思承事吾師于三箬之

下五易表葛本草經疏一書相
與究尾明首尋注合經宣揚至
理窮極天地每疏一品必相顧
而嘆謂倉公仲景而在當無奈
我兩人何也余不敏于吾師幸
得子齋張以之秘焉因為重刻

此記以廣其傳雖然黃帝至聖
生而神靈尚有靈蘭之藏即經
疏未必盡後况一二筆記或姑
藏以俟世之君子

崇禎壬午夏虞山李枝季札甫

述

廣筆記自序

予既不事王侯獨全微尚幽棲自遂遠於塵累以保
天年然無功及物亦豈道人之懷乎於是蒐輯醫方
精求藥道用存利濟隨所試効病家藏之好事者抄
錄轉相授受復多獲驗先是長興丁客部長孺手集
予方一冊命之曰先醒齋筆記梓行於世板畱巖邑
未便流通交游中多索此書者卒無以應予適旅泊
金沙文學莊君斂之時時過從請增益羣方兼采本
草常用之藥增至四百餘品詳其脩事又增入傷寒
溫病時疫治法要旨併屬其季君歿之鏤板流行傳

之遠邇庶窮鄉僻邑舟次旅邸偶乏明醫俾病者按
方施治以瘳疾苦則是書或有補於世也夫斂之曰
善時

天啟二年歲次壬戌仲冬既望東吳繆希雍自序

先醒齋筆記敘

先大夫雅好醫錄方幾成帙予小子試之茫乎無緒
也歲丁亥交繆仲淳氏仲淳豪爽自負岐黃之訣禘
東垣仲景以上尤注精本草曰三墳書不傳傳者此
爾遊轍不持藥囊爲人手疏方輒奇中其所矜視及
刀匕湯液與俗醫左俗醫不能解輒謗遇險怪症數
年不起或皇遽計無復之必拱手請質繆先生仲淳
往往生死人攘臂自快不索謝上自明公卿下至卑
田院乞兒直平等視故索方者日益相知錄其方遞
相傳試靡不奇驗仲淳一切無所恡曰顧用之何如

爾仲淳意所獨到堅執不移至俗醫相顧却走意氣
間定自若其察脉審症四顧踟躕又甚細甚虛甚小
心生平好游緇流羽客樵叟村豎相與垂盼睠披肝
膽已故蒐羅祕方甚富然惟仲淳能衷之曰我以脉
與症試方不以方嘗病也予辛亥

賜告歸不敢以山中餘日漫付高枕彙三十餘年所
積方取奇中者裁之仲淳并錄後先醫案類而梓之
以廣其傳竊自附古人手錄方書之意云仲淳諱希
雍海虞故家子多僑寓所至稱寓公
癸丑春日曲肱道人丁元薦題

廣筆記目錄

上卷

中風

寒

暑

瘧

痢

中卷

脾胃

泄瀉

虛弱

吐血

消渴

婦人

下卷

幼科 痘癩附

外科 附海上丹方

雜症 附海上丹方

先醒齋筆記卷之上

吳興丁元薦長孺甫輯

海虞李枝季虬甫叅訂

中風

治法大畧

凡言中風有真假內外之別差之毫釐謬以千里何者西北土地高寒風氣剛猛真氣空虛之人猝為所中中臟者死中腑者成廢人中經絡者可調理而瘳治之之道先以解散風邪為急次則補養氣血此真中外來風邪之候也其藥以小續命湯桂枝麻黃生

熟附子羌獨活防風白芷南星甘草之屬爲本若大江巴南之東西兩浙七閩百粵兩川滇南鬼方荆揚梁三州之域天地之風氣既殊人之所稟亦異其地絕無剛猛之風而多濕熱之氣質多柔脆往往多熱多痰真陰既虧內熱彌甚煎熬津液凝結爲痰壅塞氣道不得通利熱極生風亦致猝然僵仆類中風證或不省人事或言語謇澁或口眼歪斜或半身不遂其將發也外必先顯內熱之候或口乾舌苦或大便秘澀小便短赤此其驗也劉河間所謂濕熱相火中痰中氣是息失宜水不制火丹溪所謂濕熱相火中痰中氣是

也此卽內虛暗風確係陰陽兩虛而陰虛者爲多與外來風邪迥別法當清熱順氣開痰以救其標次當治本陰虛則益血陽虛則補氣氣血兩虛則氣血兼補久以持之設若誤用治真中風藥如前種種風燥之劑則輕變爲重重則必死禍福反掌不可不察也初清熱則天門冬麥門冬甘菊花白芍藥白茯苓括婁根童便順氣則紫蘇子枇杷葉橘紅鬱金開痰則貝母白芥子竹瀝荆瀝括婁仁次治本益陰則天門冬甘菊花懷生地當歸身白芍藥枸杞子麥門冬五味子牛膝人乳白膠黃柏白蒺藜之屬補陽則人參

黃耆鹿茸大棗

乙卯春正月三日子忽患口角歪邪右目及右耳根俱痛右頰浮腫仲淳曰此內熱生風及痰也治痰先清火清火先養陰最忌燥劑

真蘇子錢三廣橘紅錢三括婁根錢三貝母錢四天門冬錢三麥

門冬錢五白芍藥錢四甘草錢七鮮沙參錢三明天麻錢一甘菊

花錢三連翹錢二河水二鍾半煎一鍾加竹瀝童便各一

杯霞天膏四五錢饑時服日二劑初四至初九日加

淮生地黃錢三初十加牛膝錢四黃栢錢二十三日去連翹

加石斛錢三五分五味子錢七白扁豆錢二乾葛錢八十八日去

連翹天麻乾葛白扁豆加蓮肉四十粒

正月廿二日定方 初日進二劑後每日一劑

天門冬錢三麥門冬錢五生地黃錢五白芍藥錢四牛膝酒蒸錢五

炙甘草錢一貝母錢二括婁根錢二蓮肉四十粒酸棗仁錢六真

蘇子錢二黃栢錢五五分甘菊花錢二鮮沙參錢三廣橘紅錢二

五味子八分河水三鍾煎一鍾饑時服

二月十二日定方

天門冬錢三麥門冬錢五真蘇子錢二廣橘紅錢五白茯

苓錢三貝母錢三黃栢錢五五分括婁根錢二五味子錢七鮮沙參

錢三玄參錢二甘菊花錢五五分甘草錢一酸棗仁錢五生地黃

錢三

四錢 白芍藥 錢四 牛膝 錢五 蓮肉 六粒 十日後去括婁根三

月廿八日去玄參加石斛 錢三 至五月盡病始全愈 方前

中曾加參二錢服二劑 反覺浮火上升即去之

丸方

胡麻仁 三觔 卽 桑葉 酒拌蒸 何首烏 三觔 九蒸九晒

兩 蒼朮 二觔 米泔洗淨 刮去皮 拌黑豆蒸 又拌蜜 倍

氣方 牛膝 如法 甘菊花 觔 懷生地 三觔 天門冬 去心酒

栢子仁 二觔 黃檗 觔 枸杞子 二觔

又丸方 先時合成病中仲淳以為可服 日進兩許 百日後方易前丸

人參 去蘆人乳浸飯上 五 味子 去枯者打碎 蜜 山菜

萸肉 兩 沙苑蒺藜 一兩 半炒 為末 一兩 川巴戟天 去骨

以甘菊花枸杞子同 蓮鬚 良六兩 枸杞子 去枯者

酒浸蒸晒乾八兩 乾 潤過烘 川牛膝 去蘆酒 天門冬 六兩 蓮肉 去心每粒

塊瓦器內炒焦 黃忌鐵 十二兩 白茯苓 如法 人乳 黃栢 蜜炙 砂仁 炒

兩 懷生地 十二兩 鹿角霜 酥 拌炒 研如 鹿茸 六兩 火燎

炙 菟絲子末 八兩 加甘菊花 六兩 煉蜜同蒺藜糊和丸如

梧子大每六錢空心饑時各一服淡鹽湯吞

治右半身不遂 右屬 氣虛

白蒺藜 炒去 刺 甘菊花 何首烏 如法 黃耆 蜜 天門冬 去

麥門冬 去心 人參 去蘆 漆葉 酒拌九蒸九 白茯苓 澄水 白芍

藥炒牛膝去蘆酒蒸川續斷十兩橘紅八兩煉蜜九梧子

大空心白湯下忌食白菜蕪牛肉牛乳○若在左者

屬血虛宜加當歸身熟地黃鹿角膠栢子仁各勛杜

仲入兩○如火盛多痰肺經有熱者去人參加青蒿

子驚甲各十如左右臂俱轉掉不便者亦用此方

王宇泰治臧位宇氣虛痰多脾胃有濕晚年半身不

遂神效

先醒齋筆記

寒

傷寒時地議并六經治

夫傷寒者大病也時者聖人出不能違者也以關乎

死生之大病而藥不從時顧始哉仲景醫門之聖

也其立法造論後之明師如非佗孫思邈輩莫不宗

之漢末去古未遠風氣猶厚形多壯偉氣尚敦龐其

藥大都為感邪即病而設况南北地殊厚薄不侔故

其意可師也其法不可改也滿至今時千有餘年風

氣澆矣人物脆矣况在荆揚交廣梁益之地與北士

全別故其藥則有時而可改非違仲景也實師其意
變而通之以從時也如是則法不終窮矣故作斯議
條列其方稍爲損益以從時地俾後之醫師知所適
從庶幾患斯疾者可免於天枉爾

辨驗外感真僞法

凡外感必頭疼其疼也不間晝夜探其舌本必從喉
嚨內乾出於外多兼煩躁不煩躁者卽輕證也不頭
疼而發熱不發熱而頭疼頭雖疼而有時暫止口雖
乾而舌本不燥骨雖疼而頭不疼雖渴而不欲引飲
至夜或偶得寐遇食不好亦不惡居處雖若虺怯而
神氣安靜凡若此者皆非陽寒也

三陽治法總要

太陽病 其證發熱惡寒 風頭痛項強腰脊強遍
身骨痛脉雖浮洪而不數 夕不傳經煩躁脉數急者
是欲傳經宜先發汗以解衣邪 其藥以羌活湯爲
主羌活三錢前胡二錢甘草八分葛根二錢生姜三
片棗二枚杏仁九粒去皮尖研爛 水煎服秋深冬月應用
此方亦可量加紫蘇葱白如冬月天氣嚴寒感邪卽
病服此藥不得汗本方加麻黃一錢生薑四片共前
七片得汗勿再服 如病人自覺煩躁喜就清涼不

喜就熱兼口渴是即欲傳入陽明也若外證頭疼遍身骨疼不解或帶口渴鼻乾目疼不得卧即係太陽陽明證羌活湯中加石膏知母麥冬大劑與之得汗即解如自汗煩躁頭疼遍身骨疼不解者羌活一錢桂枝七分石膏一兩一錢麥冬六錢知母三錢竹葉一百二十片白芍藥一錢甘草八分如冬月即病太陽證惡寒畏風頭疼遍身骨疼自汗不渴宜用桂枝八分芍藥二錢甘草一錢大棗二枚生姜一片太陽病不解熱結膀胱其人如狂血自下者愈其外證不解者不可下當先解表表證罷少腹急結者

乃可下之桃仁承氣湯無蓄血證大承氣湯

正陽陽明病正陽陽明者胃家實是也其證不大便自汗潮熱口渴咽乾鼻乾嘔或乾嘔目眴眴不得眠畏人聲畏木聲畏火不惡寒反惡熱或先惡寒不久旋發熱甚則譫語狂亂循衣摸床脉洪大而長宜急解其表用竹葉石膏湯大劑與之不嘔無汗與葛根湯亦須大劑若表證已罷脉緩小便利是病解矣若表證罷後邪結於裏大便閉小便短赤宜用調胃承氣湯或小承氣湯下之下後按其腹中不作痛而和病即已解如作痛是燥糞未盡也再用前藥下

之以腹中和二便通利爲度。陽明病不能食若其人本虛勿輕議下。陽明病頭眩欬而咽痛者用葛根甘草桔梗麥冬四味濃煎數數與之。陽明病無汗小便不利心中懊懣者當發黃急用梔子麥冬淡豆豉大劑濃煎與之如已見身黃急加茵陳爲君主之。陽明病衄血此緣失於發汗宜用荆芥二錢葛根三錢麥冬五錢牡丹皮一錢五分蒲黃二錢茅根二兩側柏葉二錢生地黃三錢濃煎與之兼飲童便。陽明病心下硬滿者此邪未入於腹中慎勿下之用竹葉石膏湯加括婁一個搗碎桔梗二錢黃連一

錢。陽明病邪結於裏汗出身重短氣腹滿而喘潮熱手足濇然汗出者此大便已鞅也六七日已來宜下之用小承氣湯不行換大承氣湯勿大其劑若大便不鞅者慎勿輕下。陽明病發汗不解腹滿急者亟下之。傷寒六七日目中不了了睛不和無表證大便難宜承氣湯下之。陽明病下之早外有熱手足溫不結胸心中懊懣不能食但頭汗出梔子豉湯主之。陽明病發潮熱大便溏胸滿不去者與小柴胡湯去人參加括婁黃連。陽明病自汗出或發汗後小便利津液內竭大便雖硬不可攻之須俟其自

大使用蜜導或膽導法通之 大下後六七日不大便煩不解腹滿痛本有宿食宜再用承氣湯下之食穀欲嘔屬陽明非少陽也胸中煩熱者竹茹湯主之竹茹三錢麥冬五錢枇杷葉三大片蘆根三兩內無熱證者小便利口不渴此為陽明虛也吳茱萸湯主之吳茱萸二錢人參三錢生薑一錢五分大棗三枚木煎日三服 凡陽明病多汗津液外出胃中燥大便必鞭鞭則譫語以小承氣湯下之若一服譫語止者勿再服 陽明譫語發潮熱脉滑而數者小承氣湯主之服藥後腹中轉氣者與一服若不轉氣

者勿更與之若服藥後次日不大便脉反微濇者裏虛也為難治勿復議下 陽明病下血譫語者此為熱入血室汗止在頭用荆芥三錢葛根三錢黃芩一錢五分麥冬五錢牡丹一錢五分生蒲黃二錢濃煎以童便對飲之 陽明病脉浮緊咽燥口苦腹滿而喘發熱汗出惡熱身重若下之則胃中空虛客氣動膈心中懊懣舌上有胎者梔子豉湯主之 若渴欲飲水舌燥者白虎湯加人參主之 若脉浮發熱口渴小便不利者猪苓湯主之 陽明病協熱下利者宜六一散心下痞者以黃連括婁湯調服之 脉浮

遲表熱裏寒下利清穀者四逆湯主之附子乾姜甘草
草跌陽脉浮而濇小便數大便鞭其脾爲約麻子
仁丸主之麻仁十二兩芍藥四兩枳實四兩大黃八
兩厚朴三兩杏仁六兩蜜丸如梧子大每用十九日
三服陽明實則讞語虛則鄭聲鄭聲者重語也直
視讞語喘滿者死下利者亦死發汗多若重發其
汗讞語脉短者死脉和者不死若吐若下後不解
不大便五六日或至十餘日日晡時發潮熱不惡寒
獨語如見鬼狀若劇者發則不識人循衣妄撮惕而
不安微喘直視脉弦者生濇者死濇者陽證見陰脉也微者但

發熱讞語者大承氣湯下之利勿再服陽明病發
狂棄衣而走登高而歌此陽明實也以承氣湯亟下
之如便不結者大劑白虎湯灌之石膏四兩麥冬二
兩知母一兩五錢加大青一兩甘草七錢太陽陽明
病協熱下利者宜六一散以黃連煎湯調服之太
陽陽明并病六七日表證仍在其人發狂者以熱在
下焦少腹當硬滿小便自利下其血乃愈當用桃仁
承氣湯又二陽并病太陽證罷潮熱汗出大便難
讞語者宜大承氣湯

少陽病其證口苦咽乾眩往來寒熱胸脇痛胸滿

或痛耳聾脉法弦細頭痛發熱者屬少陽少陽不可
發汗發汗則譫語胃和者當自愈不和者則煩而悸
傷寒三日少陽脉小者欲已也 凡太陽病不解
傳入少陽者脇下硬滿乾嘔不能食往來寒熱未經
吐下脉沉緊者與小柴胡湯柴胡二錢四分人參九
分黃芩九分甘草九分半夏一錢五分生姜九分大
棗二枚水煎温服日三 加減法 若胸中煩而不
嘔去半夏人參加枳實一枚 若脇下痞鞭去大
棗加牡礪二錢半 若渴者去半夏加人參枳實根
若腹中痛者去黃芩加芍藥三錢 若心下悸小

便不利者去黃芩加茯苓二錢 若不渴外有微熱
者去人參加桂一錢夏勿用温覆取微汗愈 若欬者
去人參大棗加五味子一錢少佐以乾姜 陽明少
陽并病必下利脉滑而數有宿食也當承氣湯下之
若已吐下發汗温針譫語柴胡湯證罷此爲壞病
知犯何逆以法治之 三陽合病脉大上關上但欲
睡眠目合則汗藥用百合一兩麥門冬五錢炙甘草
一錢知母二錢竹葉五十片枳實根二錢鱉甲如法
三錢白芍藥二錢 三陽合病腹滿身重譫語遺尿
白虎湯加百合主之 傷寒六七日無大熱其人煩

廣筆言
躁者此爲陽去入陰故也 傷寒三日三陽爲盡三
陰當受邪其人反能食而不嘔此爲三陰不受邪也

三陰治法總要

三陰病其證有二一者病發於三陽不時解表以致
邪熱傳入於裏雖云陰分病屬於熱糞結宜下腹滿
不可按宜下有燥糞協熱下利宜下腹痛下利宜芍
藥黃芩炙甘草以和之如便膿血卽加滑石黃連佐
以升麻乾葛 如邪雖入裏糞猶未結宜清其熱渴
者用白虎湯竹葉石膏湯不渴或心下痞者宜黃連
黃芩芍藥枳殼麥冬括婁輩以清之 或邪未結於

下焦少腹不堅痛而誤用芒硝以伐真陰洞泄不已
元氣將脫宜用人參白朮炙甘草大棗乾姜芍藥大
劑與之不止佐以升提升麻葛根柴胡之類

若從無陽邪表證從不頭疼發熱寒邪直中陰經此
必元氣素虛之人或在極北高寒之地始有是證法
宜溫補以接其陽附子人參乾姜官桂大劑與之陽
回寒退卽以平補之劑調之勿過用桂附以防其毒
三陰各經見證悉從仲景傷寒論法治之如少陰咽
痛咽中生瘡聲不出用苦酒湯到咽卽効故知古人
立法非今人可及也

春溫夏熱病大法

冬傷於寒至春變爲溫病大都頭疼發熱或渴或不渴三陽證俱然亦間有先微寒後卽發熱者大抵發熱其常也藥用辛溫佐以辛寒以解表邪太陽宜羌活湯陽明宜白虎湯無汗不嘔者間用葛根湯少陽往來寒熱等證不可汗吐下宜和解小柴胡湯渴者去半夏加括婁根耳聾熱盛去人參加麥冬知母括婁根渴亦加之

至夏變爲熱病其表證大約與春溫同但熱比於溫則邪氣更烈耳解表用白虎湯竹葉石膏湯有太陽證則加羌活有少陽證則加柴胡黃芩如發斑白虎湯竹葉石膏湯加玄參梔子桔梗鼠粘連翹大青小青青黛大劑與之二證若大便秘宜按之其邪已結於內便鞭宜察邪結中焦小承氣湯調胃承氣下之邪結下焦少腹堅痛始用大承氣湯下之

傷寒溫疫其不可治及難治者皆屬下元虛傷寒溫疫三陽證中往往多帶陽明者以手陽明經屬大腸與肺爲表裏同開竅於口凡邪氣之入必從口鼻故兼脾爲表裏同開竅於口凡邪氣之入必從口鼻故兼陽明證者獨多

邪在三陽法宜速逐遲則胃爛發斑或傳入於裏則屬三陰邪熱熾者令陰水枯竭於法不治矣此治之後時之過也

近代醫師鹵莽既不明傷寒治法又不識雜證類傷寒往往妄投汗下之藥以致虛人元氣變證叢生元氣本虛之人未有不因之而斃者矣戒之哉汗下之藥焉可嘗試也

時氣傷寒 除陰症不可服

苦參一兩水酒各一碗煎八分重者水醋各半服之一汗而愈不論傷寒久近立効本草云天行尤良

史鶴亭太史丁亥春患瘟疫頭痛身熱口渴吐白沫晝夜不休醫師誤謂太史初罷官歸妄投解鬱行氣藥不効又投以四物湯益甚諸醫謝去謂公必死遣使迎仲淳至病二十餘日矣家人具以前方告仲淳曰誤也瘟疫者非時不正傷寒之謂發于春故謂瘟疫不解表又不下使熱邪瀰留腸胃間幸元氣未盡故不死亟索淡豆豉約二合麥門冬兩知母數錢石膏兩一劑大汗而解時大便尚未通太史問故仲淳曰昨汗如雨邪盡矣第久病津液未回故大便不通此腸胃燥非有邪也令日食甘蔗二三株兼多飲麥門

冬湯不三日去燥糞六十餘塊而愈

章衡陽銓部患熱病病在陽明頭痛壯熱過水且嘔鼻乾燥不得眠診其脉洪大而實仲淳故問鑿師鑿師曰陽明證也曰然問所投藥曰葛根湯仲淳曰非也曰葛根湯非陽明經藥乎曰陽明之藥表劑有二一為葛根湯一為白虎湯不嘔吐而解表用葛根湯今吐甚是陽明之氣逆升也根升散故用之不宜白虎湯硬石膏知母甘草加麥門冬竹葉名竹葉石膏湯石膏辛能解肌鎮墜能下胃家痰熱肌解熱散則不嘔而煩躁壯熱皆解矣遂用大劑竹葉石膏湯

疏方與之且戒其仲君曰虜荆非六十萬人不可李信二十萬則奔還矣臨別去囑曰斯時投藥五鼓瘥天明投藥朝食瘥已而果然或謂嘔甚不用半夏何也仲淳曰半夏有三禁渴家汗家血家是也病人渴甚而嘔是陽明熱邪熾盛劫其津液故渴邪火上升故嘔半夏辛苦溫而燥有毒定非所宜又疑其不用甘草何也曰嘔家忌甘仲景法也

高存之隣人賣腐者傷寒發噦兩日夜不省人事其子乞方仲淳問曰汝父當時曾頭疼身熱乎曰然曰曾服汗藥乎曰未也曾吐下乎曰未也仲淳因索傷

寒書檢之其方類用乾薑柿蒂丁香及附子等溫熱之藥末條僅載白虎湯一方仲淳思之曰傷寒頭痛身熱口渴本屬陽明熱邪傳裏故身涼發噦未經汗吐下邪何從而出第其人年老多作勞故于白虎湯中加參錢三二劑立起

于潤父夫人娠九月患傷寒陽明證頭疼壯熱渴甚舌上黑胎有刺勢甚危仲淳投竹葉石膏湯索白藥子殿馬不得卽以井底泥塗臍上乾則易之一日夜盡石膏十五兩五錢病瘳越六日產一女母子並無恙

存之一家人婦傷寒來乞方仲淳已疏方與之矣見其人少年問曰若曾病此乎曰然曰愈幾日而妻病曰八九日日曾有房慾否曰無之仲淳故曰若有房慾此方能殺人也其人卽置方不取遂以禪襦雄鼠糞麥冬韭白柴胡二劑勢定更用竹皮湯二三劑全愈

姚平子傷寒頭疼身熱舌上胎胸膈飽悶三四日熱不解奄奄氣似不屬者一醫以其體素弱病久虛甚意欲投參少許仲淳叱曰參一片入口死矣亟以大黃兩一瓜萑二枚連子切片黃連枳實下之主人驚疑不

得已減大黃之半二劑便通熱立解遂愈

張太學璇浦內人患熱入血室發狂欲殺人白下醫以傷寒治之前煎藥未服陳錫玄邀仲淳往診仲淳云誤矣覆其藥投一劑而安先與童便繼與涼血行血安心神藥遂定

翁文學具茨感冒壯熱舌生黑胎煩渴勢甚劇時稽勳諸昆仲環視揮涕羣醫束手仲淳以大劑白虎湯一劑立甦或問仲淳治傷寒有秘法乎仲淳云熟讀仲景書卽秘法也

白虎湯中曾加入人參三錢

四明虞吉卿因三十外出疹不忌猪肉兼之好飲作

泄八載矣忽患傷寒頭痛如裂滿面發赤舌生黑胎煩躁口渴時發譫語兩眼不合者七日洞泄如注較前益無度其尊人虞仰韶年八十二矣客寓莊歛之處方得長郎凶問懷抱甚惡膝下止此一子坐待其斃腸爲寸裂歛之向余曰此兄不祿仰韶必繼之卽不死八十二老人挾重貲而聽其扶櫬東歸余心安乎萬一有此惟有親送至鄞耳余聞其語爲之惻然急往診其脉洪大而數爲疏竹葉石膏湯方因其有腹瀉之病石膏止用一兩病初不減此兄素不謹良一友疑其虛也云宜用肉桂附子歛之以其言來告

廣筆言
余曰誠有是理但余前者按脉似非此證豈不數日
脉頓變耶復往視其脉仍洪大而數余曰此時一投
桂附卽發狂登屋必不抹矣一照前方但加石膏至
二兩歛之曰得母與泄瀉有妨乎余曰熱邪作祟此
客病也不治立殆渠泄瀉已八年非暴病也治病須
先太甚急治其邪徐并其夙恙除之急進一劑夜卧
遂安卽省人事再劑而前惡證頓去不數劑霍然但
瀉未止耳余爲疏脾腎雙補丸方更加黃連乾葛升
麻以痧痢法治之不一月瀉竟止八載沉痾一日若
失仰韶耄矣別余歸老拜謝垂涕謂父子得以生還
皆余賜也

莊歛之一庄僕因受寒發熱頭痛如裂兩目俱痛渾
身骨內疼痛下元尤甚狀如刀割不可堪忍口渴甚
大便日解一次胸膈飽脹不得眠已待斃矣歛之以
其證來告爲疏一方乾葛三錢石膏一兩麥門冬八錢知
母三錢羌活二錢大括婁半個連子打碎枳殼一錢桔梗一錢竹
葉一百片河水煎服四劑而平此太陽陽明病也貧人
素多作勞故下體疼痛尤甚以羌活去太陽之邪石
膏竹葉乾葛知母麥門冬解陽明之熱括婁枳殼桔
梗疏利胸膈之留邪故遂愈

一奴傷寒熱解後復下血不止主人以痢藥投之更甚仲淳云此傷寒失汗之餘症也用地榆麥門冬知母竹葉以代仲景諸血證藥遂愈

常熟吳見吳在京邸時有小青衣患傷寒愈而復復而愈愈而再復不知其幾趙文肅公謂仲淳曰此非兄不能救他人亦不肯往仲淳亟馳診之病人面色黃白六脉微弱大便不通胸中不快亦不思食曰此為傷寒百合壞證之餘邪且退矣胸中不快虛而氣壅非實邪也不大便秘者久病津液枯氣弱不能送也投以人參五錢麥門冬兩枳殼炒八錢盡劑立解而瘥

莊歛之一僕因傷寒後勞復發熱頭痛腹內作瀉勢

甚危急余為疏方山柰仁四錢枳實二錢豆豉一兩川黃連

二錢乾葛三錢調六一散五錢服二劑熱退瀉止頭痛亦

愈但不思飲食為去山柰枳實黃連加鱉甲四錢炙甘

草二錢麥門冬五錢不數劑而愈

梁谿一男子素虛春中感冒頭痛肌痛發熱羌活二錢

麥門冬三錢炙甘草一錢紫蘇一錢北細辛七分前胡一錢

次日頭痛止熱未退口渴仲淳用芍藥五味子人曰

風邪未退遽用酸斂何也曰因人而施爾一杯即愈

麥門冬三錢甘草一錢括婁根二錢乾葛一錢桑白皮三錢

桔梗錢一白芍藥錢一五味子五分

從祖近湖公少年因房勞食犬肉傷寒諸醫以其虛也攻補兼施至發狂登屋奔走呼號日夜令壯夫看守者幾月餘急走使延朱遠齋遠齋先命煎人參膏二觔以待用潤字號丸藥數錢下之去黑糞無筭勢遂定奄奄一息隣於死矣徐以參膏灌之至百二十日全瘳

治傷風後耳聾 仲淳定

甘菊花錢二石菖蒲忌鐵 錢一柴胡六分括婁根錢二貝母去心 二錢
前胡錢一甘草六分北細辛四分蘇梗錢一桑白皮忌鐵 二錢加竹

瀝一杯不時服

趙和齋年六十患外感予以他事請見延至中堂云偶因勞倦體疲正欲求教予為之診視細按其六部并察其形神謂云翁病屬外邪非勞發也須着意珍重持葛存誠在坐予私謂云此病是極重外感邪氣有內陷之兆恐難挽回別去三日大雨中復來邀看則神氣已脫脉無倫次問其所服何藥云石膏湯予云病證固重服藥又差無汗發熱非陽明症何得用石膏此太陽症未經發汗邪氣傳裏裏虛水涸不勝邪熱真氣已脫必不可救時猶以予言為妄不兩日

而斃矣

魏季嘗正產後飲食不節復感風寒遂致發熱譫語喘咳氣逆惡露絕不至勢甚急迫予謂此症俱係外來客邪尚屬可救設正氣虛脫現諸症者必無幸矣何以見之以脉氣浮大有力故也用大劑疎風消食之藥二劑便霍然先是有用白朮歸芎等補藥幾為所悞二條附

先醒齋筆記

暑

治傷暑

高存之次郎童時夏月身熱十晝夜止飲白湯諸醫汗之不解以麻仁丸下之熱如故皇急中仲淳忽至診曰此傷暑也白虎湯是其本方因誤汗下虛甚加人參三錢一劑微汗暝眩少頃熱解更疏一方防其瘧痢仍用人參二錢兼健脾胃清暑導滯之劑未幾瘧作如方飲之瘧止痢又作存之不得已于生脉散中加益元散飲之兒疳羸甚諸醫曰數日後死矣舉家惶急

廣筆言
穰禱紛紜仲淳復自松陵來存之語之故仲淳曰生
脉益元散得之矣不疹而諦視兒問糜甘否曰甘大
呼曰病去矣存之且喜且訝兒旦夕虞不保兄言何
易也仲淳曰視兒目光爛爛且飲食味甘是精神已
王胃氣轉矣尋果脫然起

臧玉涵子歲半盛夏咳嗽七日因浴受驚又傷食大
熱倦頓三日不敢與米目翳唇壟舌乾謀之仲淳曰
此暑病也當與白虎湯玉涵曰腹瀉石膏無害乎曰
允以天水散探之服一錢少頃藥夾痰而吐微汗身
黃昏復熱又以天小散二錢不効仲淳曰其爲暑

無疑當以白虎湯加人參因兒患肺熱且止仲淳
再診之曰暑邪客於皮膚分肉有熱無寒是爲痺瘧
斷當用白虎湯連服三劑不効鼻露眼開口不納氣
勢甚危叩仲淳曰此正氣不足勝邪也偶思刺瘡論
有云凡瘡先時一頃乃可治過時則失之也又云
無刺焯焯之熱無刺渾渾之脉無刺漉漉之汗意者
服藥不得時耶將前藥并劑煎露一宿鷄鳴溫服之
病頓失更不須調理精神漸復經年無病以此知仲
淳察病望氣靈心慧眼又知服藥貴及時當早服晚
投當晚服早投當熱而溫當溫而熱均失之也此

玉涵自定案

任丘裴在澗棄家逃禪持戒茹素遍遊五岳足跡幾滿天下偶客金壇寓西禪寺僧舍酷暑中坐卧小樓日持準提咒三千念佛號三萬忽患頭痛如斧劈身熱發躁口乾日飲冷水斗餘渴猶未解自分必死莊歛之憐其旅病時過視疾一日急走倉頭召歛之永訣以所携書畫玩器盡授歛之泣而言曰兄其為我收藏吾死後切勿用世俗禮葬我惟以兩缸盛吾尸其中以三尺地埋之耳歛之涕泗填胸束手無策余此時遊梁谿陽羨間歛之命余僕克勤相追歸視其脉知係受暑為疏竹葉石膏湯方歛之如方製藥躬為煎服不二劑發熱口渴俱止幾十劑病始退旋加健脾藥十餘帖而安

傷暑霍亂神方

包瑞溪學憲傳仲淳累驗

絲瓜葉

片一

白霜梅肉

枚一

并核中仁同研極爛新汲水

調服入口立瘥

又方 馬銘鞠傳

用粟米連殼搗碎煎湯温服下口立愈屢試神效

又方 梁谿顧聖符傳

取扁荳葉搗汁一碗飲之立愈

又方

高存之家僕婦患此仲淳以砂仁一兩鹽一撮沸湯調炒研冷定服一劑愈傷冷物者加吳茱萸四錢

又方

用青蒿嫩葉手揉如豆大井水吞下數枚立愈

治中暑昏眩煩悶欲死

挖地深尺餘取黃土以新汲水調化飲一二甌立愈

又方

取田中泥漿塗臍上令壯者溺其上并溺口中得咽立起

治中暑大小便不通

用田螺三枚搗爛入青鹽三分攤成膏貼在臍下一寸即愈

先醒齋筆記

瘧

如發熱口渴先服此方
二劑

麥門冬五錢 知母蜜炙一分 硬石膏研細五錢 竹葉三十片 粳米

撮煎八分不拘時服

治熱多作吐頭痛口渴無汗或汗少

白茯苓三錢 橘紅二錢 山查肉二錢 竹茹二錢 知母蜜炙二錢 麥門

冬四錢 硬石膏研細五錢

治寒多熱少無汗

乾薑一錢 柴胡五分 當歸 廣皮 吳茱萸 白朮土炒各三錢

○如吐嘔而寒甚者此方去柴胡當歸加人參錢二半

夏薑汁炒一錢 ○如瀉去當歸加茯苓錢二 ○如有食脾胃

不健第二方去當歸加白豆蔻末分七 ○如寒熱相半

及先寒後熱者第二方加黃芩錢一 ○如汗多加白芍

藥酒炒三錢黃耆蜜炙三錢去柴胡 ○如傷食必惡食第二方

加山查錢五白豆蔻末分七神麴炒二錢厚朴薑汁炒一錢 ○如

渴甚者不可用半夏當用第一方加天花粉錢二倍用

麥門冬知母須三四劑方可換健脾胃藥或兼用健

脾胃藥如白茯苓白朮廣陳皮白芍藥人參白豆蔻

山查等劑是也 ○如寒甚只用第二方加人參錢五生

薑片五 ○如寒熱俱甚久不止者前方中去白朮乾薑

加鱉甲醋炙研極地骨皮錢二麥門冬錢五牛膝錢五

太陽經瘧頭痛遍身骨痛項脊覺強主方如渴

則兼陽明矣

羌活二錢此係前胡一錢猪苓錢一澤瀉炒一錢陳皮二錢

○惡寒加薑皮甚則加桂枝 ○渴則加乾葛 ○渴甚

汗多加麥門冬知母竹葉白朮 ○久病用黃耆 ○虛

甚加人參

治秋深寒熱甚而汗多者

人參白虎湯中加桂枝素有血證及咳嗽者勿用參

桂

陽明經瘧熱甚渴甚煩躁惡人聲惡心不眠主

方

硬石膏

研細麥門冬

各五錢加至一兩五錢

知母

去皮蜜炙三錢加至一兩竹

葉

四十片加至一百片

粳米

撮

水三大碗煎一碗不拘時服○

如瘧初發汗未大透本方加乾葛三錢○痰多本方加

括婁根

三錢橘紅

三錢竹瀝

一懷○如嘔本方去竹葉換竹

茹

三錢橘紅

三錢○汗多本方去乾葛加人參三錢元氣虛倍之

白朮

三錢○如兼惡寒甚指爪色黯本方加桂枝一錢五分

○頭痛骨痛又兼前症此太陽陽明也本方加羌活

二錢○如在秋末冬初又兼惡寒加桂枝一錢每日下午

別服開胃健脾消食消痰兼除寒熱瘧邪藥一劑方

具於後

麥門冬

五錢鱉甲

三錢加至一兩

廣橘紅

人參 各三錢加至五錢素有肺火者

勿用白荳蔻仁

四分加至七分

白茯苓

三錢

烏梅肉

一枚白朮 二錢加至

四錢胃熱及肺火咳嗽勿用

牛膝

酒洗二錢加至八錢

水三鍾煎一鍾研入

白荳蔻末乘熱服○如熱甚而嘔加木瓜三錢枇杷葉

三大片竹茹

二錢

○如虛寒胃弱有痰有濕因而嘔者加

半夏

礬湯泡一錢加至三錢薑汁十匙加至半杯渴而便燥者勿用

少陽經瘧往來寒熱相等口苦而嘔或兼耳聾

瘧

瘧

三七

上

胃脇痛主方

小柴胡湯

柴胡黃芩半夏甘草人參

鰲甲

三錢至七錢

牛膝橘紅

各三錢至五錢

○如惡食本方加枳實

炒錢

白芷

菟

五分

○如有肺火本方去人參半夏加麥門冬

錢五分

膝鰲甲橘紅如故○如爪黯便燥及痰盛方中去半

夏加當歸

錢三

竹瀝

一大杯

○惡寒甚本方加桂枝

錢一至二

生薑皮

錢一至三

○如兼陽明渴欲引飲此少陽陽

明也本方去半夏加石膏

錢八

麥門冬

錢五

竹葉

錢三十片 每

日下午別服開胃健脾消食消痰兼除寒熱瘧邪等

藥如前方

太陰脾瘧寒從中起寒甚而後熱嘔甚嘔已乃

衰主方

桂枝

錢二

人參

錢三

白芍藥

酒炒錢三

薑皮 水二鍾煎一鍾

空心饑時各一服再煎五六分下午別服開胃健脾

消食消痰兼除寒熱瘧邪藥如前方

少陰經瘧惡寒心煩而渴小便艱澁無汗躁欲

去衣或手足冷或欲飲水或咽痛主方

鰲甲牛膝

各三錢至七錢

知母

錢二至五

桂枝

錢一至二

細辛

橘紅

錢三

白茯苓

錢三

猪苓

錢一

人參

錢三有肺火勿用 薑

皮

錢一至三

水二鍾煎八分空腹饑時各一服○如寒

甚倍人參薑皮○如熱甚倍鱉甲牛膝加烏梅肉有
痰加竹瀝下午別服開胃健脾消食消痰除寒熱藥
大畧如前方

厥陰經瘧色蒼蒼然善太息不樂主方

桂枝一錢至三錢柴胡一錢至三錢鱉甲二錢至四錢當歸三錢至五錢

橘紅二錢至三錢牛膝二錢至五錢何首烏五錢水三碗煎一碗

空心饑時服○便燥及昏暈欲死本方加麥門冬竹
瀝下午別服開胃健脾消食消痰除熱藥如前方○
如有肺火及內熱去桂枝加知母二錢

治陽分間日瘧寒熱俱甚煩躁舌胎

硬石膏兩知母五錢麥門冬一兩竹葉一百片括婁根六錢

貝母五錢廣陳皮三錢發日加人參五錢有肺熱者勿用薑皮一錢隔

夜煎成露一宿五更服

治隔一日一發先熱後寒熱少寒多午時發頭
疼筋骨痛唇燥口乾惡心無汗後半夜涼天明

頭痛止

羌活二錢頭不痛即去之乾葛二錢五分陳皮三錢麥門冬五錢知母二錢

生薑皮二錢炙甘草五分何首烏五錢水二鍾煎八分露一

宿天明溫服

治胎前瘧熱多口渴方

黃芩酒炒柴胡一錢硬石膏五錢至一兩麥門冬去心五錢至一兩

知母去皮蜜炙忌鐵廣橘紅二錢至三錢白茯苓三錢竹葉

五十片至一百片○胃虛加人參二錢至三錢河水二碗煎八分

饑時服發日五更溫服滓再煎六分并進○如熱甚

寒亦基本方加生薑皮二錢至四錢白朮三錢

治胎前瘧寒甚不渴少汗方

人參生薑皮各五錢至一兩廣橘紅去白二錢至四錢河水二碗煎

八分五更溫服再煎五六分并進寒甚者陽氣虛而

下陷也益陽氣則寒自止邪自散矣故應多服人參

如汗多并加黃耆五六錢

治產後瘧主方

當歸三錢至五錢柴胡一錢鱉甲四錢至七錢牛膝一兩白茯苓三錢

廣橘紅三錢生薑皮一錢至二錢乾薑炒黑四分至六七分水二鍾煎

八分露一宿五更溫服○如渴加麥門冬六錢竹葉五錢

片青蒿三五錢去生薑皮乾薑○如渴甚更加知母三錢括婁根三錢

○痰多并加貝母四錢○如脾胃弱加人參三錢至一兩元

氣虛亦如之○有肺熱者去人參加白芍藥四錢○如

汗多加黃耆二錢至五錢○寒甚加桂枝七分至一錢二分乾薑

炒黑七分○如惡露未盡亦如之并加益母草五錢黑豆炒

兩蘇木五錢打碎別以綿裹入藥煎熱多加青蒿三四錢

治三日瘧寒多

當歸酒洗二錢五分 桂枝一錢五分 乾薑二錢 廣陳皮五錢 何首烏淨洗

切片 人參三錢至五錢

治三日瘧寒熱俱甚或早晏不齊作止不一

鱉甲 牛膝 何首烏 廣橘紅 麥門冬各五錢 知

母三錢 桂枝一錢五分 薑皮三錢無汗倍之 烏梅一枚 乾葛三錢汗多或嘔去之

無汗倍之 水三鍾煎一鍾露一宿發日五更溫服查再煎

七分餘日空心饑時服○如渴加石膏兩 竹葉五十

渴止去之○氣虛加人參五錢 ○如汗多加黃耆三錢 兼

便燥加歸身五錢 ○不思食及食難化加人參五錢 白荳

蔻仁七分 厚朴一錢五分 ○如泄去石膏知母竹葉倍白朮

加茯苓三錢 車前子二錢 肉荳蔻一錢 澤瀉一錢 ○痰多加竹

瀝一大杯

治三日瘧熱多渴甚

鱉甲 牛膝 何首烏 麥門冬各五錢加至兩二錢 知母四錢

加至七錢 橘紅五錢 石膏八錢加至三兩 竹葉三十片至百片 水三大碗煎

一碗露一宿發日五更溫服○如惡食加青皮醋炒一錢

五分 白荳蔻仁七分 ○無汗或有汗而少加乾葛四錢 ○汗

多本方加人參白朮氣虛倍加人參○如嘔本方加

竹茹烏梅○便燥加當歸○得汗渴止去石膏乾葛

下午別服開胃健脾消食消痰藥如前法

治三日瘧寒多熱少汗少或無汗

人參 白朮 各五錢至一兩 橘紅 四錢至六錢 桂枝 二錢至三錢 薑皮

五錢至一兩 白豆蔻仁 七分 水三碗煎一碗露一宿發日五

更溫服渣再煎七分連進不拘時空心饑時服

治三日瘧陰分 黃氏姑服之立起

何首烏 兩 牛膝 兩 當歸 五錢便燥用 鰲甲 醋炙 廣橘

紅 三錢 水三鍾煎一鍾空心服立愈虛極者加人參 兩

治三日瘧

人參 兩 生薑皮 五錢 水二鍾煎八分空心服○于中父

病瘧初服此不效仲淳堅持此方加參至 兩 生薑皮

至一兩 二服即起

治瘧邪未盡而痢作者先服此方二三劑

鰲甲 三錢 廣陳皮 去白 白茯苓 三錢 柴胡 一錢 白芍藥 三錢 乾

葛 一錢 ○如惡寒寒熱交作加柴胡 三錢 生薑皮 一錢 ○如

渴去薑皮加寒水石 七錢 滑石 四錢 ○如無汗加乾葛 二錢

至三 可服參者加參 三錢

次服方 服之滯下必止

乾葛 二錢五分 升麻 七分 蓮肉 去心 炙甘草 一錢 烏梅肉

二枚 廣橘紅 三錢 白扁豆 炒 鰲甲 二錢 白茯苓 二錢 白芍藥

廣言
酒炒黃芩酒炒一錢川黃連土炒二錢河水二鍾半煎
三分調主飛過滑石末四錢兼吞滯下丸二三服送以
葛根湯或蓮子湯亦佳○如腹痛以炒砂仁三四錢
濃湯吞滯下丸

治久瘡不已似勞證

當歸酒洗五錢使燥者用牛膝酒浸五錢鱉甲三錢何首烏自採鮮者五錢廣
橘紅三錢生薑皮二錢柴胡一錢五分已上二味熱多
貝母三錢水三鍾煎一鍾加竹瀝一大杯發日五更時
服隔夜先煎露一宿臨服時再重湯頓溫服蓋瘡者
暑氣為病也暑得露則解世鮮知者

防瘡方 夏秋不輟必無瘡矣

何首烏十二兩真茅山蒼朮十兩半夏六兩橘紅八兩人參四兩
白茯苓八兩藿香葉三兩白荳蔻仁一兩為細末米粉糊
加薑汁丸如棗豆大每五錢下午及臨卧白湯吞
仲淳年十七時為瘡所苦凡湯液丸飲巫祝靡不備
嘗終無抹於病徧檢方書迺知瘡之為病暑邪所致
也經曰夏傷於暑秋必痎瘧遂從暑治不旬日瘳後
數以意消息散邪之外專養胃氣痰多者消痰氣虛
者補氣血虛者益血又分臟腑經絡各從其類以施
向導即經年不愈者竟霍然起矣

沈少卿中丞請告時苦瘧仲淳往診之憊甚曰再一發死矣先生何方立止之仲淳曰何言之易也疏三方作五劑一日夜飲盡次早瘧止先二劑清暑用大劑竹葉石膏湯加桂枝以其渴而多汗也次二劑健脾去積滯用橘紅白豆蔻白朮茯苓穀蘖烏梅白扁豆山查麥芽最後一劑人參一兩生薑皮一兩水煎露一宿五更溫服盡劑而效

顧伯欽患瘧仲淳之門人疏方以白虎湯加入參一兩一庸工云豈有用參至兩數者乎改用清脾飲二十餘劑而瘧不止體尪弱仲淳至笑曰此虛甚非參

不可吾徒不謬也投以大劑參芪一劑而瘧

人參一兩黃芪一兩知母一兩陳皮二錢乾葛二錢甘草八分

石膏五錢

莊歛之妾患瘧寒少熱甚汗少頭痛不嗜飲食余爲

診脉洪數而實用麥門冬五錢知母三錢石膏一兩竹

葉六十片粳米一撮橘紅二錢牛膝一兩乾葛三錢白茯苓三錢白

扁豆三錢三劑不應忽一日凡寒熱者再昏迷沉困不

省人事勢甚危急歛之過余云恐是虛弱前方石膏知毋竹葉似近寒涼非其治也余亦心疑爲去石膏等而加入參一錢已別矣余追想前脉的非屬虛急

令人往祝令其將參煎好勿輕與服待按脉加斟酌
焉次早往視其脉洪數如初急止人參勿服惟仍用
前方而加石膏至二兩何首烏五錢令其日進二劑
瘡遂止

莊歛之前患瘡妄越一載忽頭痛如裂心內雜亂不
清喉作痛失音舌破咳嗽有痰胸膈飽脹惡心不思
飲食如此者四日矣日漸增劇陡發寒熱如瘡狀寒
少熱多熱後頻出汗方解平時有心口痛證并作下
元無力如脚氣狀歛之疑爲傷寒余曰此受暑之證
節前年所患瘡而勢加劇耳法當先去其標令以石

膏二兩麥門冬

錢五

知母

錢三

橘紅

錢二

牛膝

錢五

鱉甲

錢四

竹

葉一百五十片

貝母

錢三

括婁根

錢三

河水煎服三四劑心內

清頭疼喉痛失音舌破飽脹寒熱俱愈但惡心不思
食如故而心口痛下元無力不減余爲去石膏知母

竹葉鱉甲貝母括婁根而加延胡索

錢二

五靈脂

錢七

生

蒲黃

錢一

薏苡仁

錢八

木瓜

錢二

石斛

錢三

白扁豆

錢三

白芍

藥

錢二

竹茹

錢二

枇杷葉

錢三

炙甘草

錢四

幾十劑而愈

高存之甥女嫁後患胎瘡久不止仲淳云病在陰分
以人參錢五牛膝兩一兼健脾清暑一劑而止

章衡陽子室患瘡後失音寒熱愈甚告急仲淳仲淳

云此必瘧時不遇明眼人妄投半夏故也投以大劑
麥門冬 白茯苓 炙甘草 鱉甲 知母 貝母
數劑瘳

先醒齋筆記

痢

滯下如金丸 滯下俗呼痢疾

真川黃連 真薑汁浸隔土如法 炒九次不拘觔兩 細末薑汁和水跌丸

如梧子大貯磁器中封固如胃弱以蓮子四十粒橘

紅 二錢 人參 二錢 升麻 七分 煎湯吞四錢 ○腹痛以白芍

藥 三錢 炙甘草 一錢 黃檗 一錢 升麻 七分 煎湯吞四錢已後

各條加減皆以丸藥四錢為率 ○裏急甚以白芍藥

三錢 炙甘草 一錢 當歸 二錢 升麻 七分 煎湯吞四錢 ○後重

甚加檳榔 五分 枳殼 一錢 木香汁 七匙 調入 ○口渴及發

熱調滑石末三錢去木香○小便赤澁短少或不利加

滑石末三錢調入各症湯中吞藥○赤多加烏梅肉二錢

山查肉三錢紅麴二錢○兼裏急用當歸等加入如前方

○白多加吳茱萸湯泡一分黃芩酒炒一分○惡心欲吐

即噤口痢多加人參石蓮肉綠色升麻醋炒可用至八分或一錢

白扁豆炒三錢白芍藥酒炒三錢○久痢不止加肉荳蔻一錢

蓮肉去心炒三錢砂仁炒一分人參三錢白扁豆炒去殼二錢炙

甘草一錢橘紅二錢白芍藥酒炒三錢白茯苓二錢細末煉蜜丸

如梧子大每服三錢米湯下若積滯未盡加滑石末三錢每服四錢白湯吞○水瀉無積滯者用人參橘紅

炒砂仁湯吞三錢○凡治滯下非元氣壯實多噉能

食之人慎勿輕用大黃巴豆半牛甘遂大戟等下藥

○凡產後滯下積滯雖多腹痛雖極不可用大黃等

藥行之致傷胃氣遂不可救也用人參白芍藥當歸

紅麴升麻醋炒益母草加炙甘草一倍滑石末四五錢

足矣○若惡露未盡兼用乳香沒藥各七分炒砂仁

末一錢久之自愈血虛可加阿膠二錢蛤粉炒○凡胎前滯

下宜用黃芩黃連白芍藥炙甘草橘紅赤麴枳殼蓮

肉炒畧用升麻未滿七月勿用滑石證急者必須用

護心奪命丹

治虛弱人患痢及痢久脾胃虛者

肉豆蔻

一兩五錢

白芍藥

酒炒六兩

炙甘草

一兩

廣橘紅

三兩

荳蔻

三兩

滑石

六兩

赤麴

炒研四兩

蓮肉

去心炒焦黃五兩

醋炒二兩

川黃連

切片拌好酒同吳茱萸浸二宿瓦上

細末煉蜜丸如菉豆大每服三錢白湯吞○

痢加菜

黃一兩

如噤口痢并虛弱人即以前方中去豆蔻另用人參

三錢煎濃湯吞

加味滯下丸

川黃連

白痢如前法赤痢用蒸

白芍藥

酒浸切片

烏梅肉

二兩

滑石

水飛如法六兩

炙甘草

二兩

升麻

綠色者醋炒三兩

蓮肉

去心炒如法六兩

白糯米

炒去殼三兩

紅麴

饅淨炒五兩

乾葛

二兩

為細末蜜丸每五錢白湯吞饑時服證重者日三服

又滯下丸

川黃連

如法製一兩

滑石末

八兩

檳榔

四兩

炙甘草

三兩

木香

和水隔湯罨二兩五錢

枳殼

炒五兩

白芍藥

酒炒五兩

細末荷葉湯稍

加薑汁糊成丸如菉豆大每服三四錢烏梅湯吞

若加吳茱萸白糯米陳皮各三兩治白痢作四樣一

無木香一無檳榔枳殼一加當歸一加吳茱萸白糯米

豆橘紅去檳榔枳殼○燥熱煩渴惡心者勿用木香

○元氣虛弱者勿用檳榔枳殼○積滯多而後重者

用檳榔枳殼○裏急色赤者用當歸惟惡心嘔吐及
不思食者勿用○久痢加肉豆蔻

治血痢痛甚湯液仲淳傳自包瑞溪
學憲試之神效

白芍藥酒炒五錢此一
味仲淳加入者枳殼槐花同炒去
槐花五錢升麻醋炒
七分

真川黃連薑汁炒
五錢滑石末三錢乳香各七
分沒藥各七
分山

查肉三錢甘草五
分

治噤痢神效

綠色升麻醋炒
一錢人參三錢蓮肉去心炒焦
黃三十枚水一鍾煎半

鍾飲之蜜和為丸更妙每四錢一服白湯吞

治久痢紅中兼有青色白痰間發熱

真川黃連槐花炒
錢五分白芍藥酒炒
二錢廣陳皮三錢人參一錢

蓮肉炒十枚肉豆蔻八分炙甘草五分山查肉二錢綠升麻醋炒

五分砂仁炒一錢滑石末二錢
五分調服

治噤口痢吐不納藥者

人參一兩川黃連薑汁製
五錢石蓮子炒去心
五錢水二鍾煎八

分小杯緩服之吐止痢亦止

大黃丸痢初起壯實者可用胃弱者禁施

川大黃切片密
蒸一劬白芍藥酒浸切片
炒六兩甘草炙三兩檳榔四兩

木香切片不見火
為末一兩枳殼炒四兩細末煉蜜同水煎木香

和搗為丸如菜豆大白萊蕪湯吞三錢重者五錢以

行兩三次腹中爽快為度胃氣虛極之人勿輕用之
積滯重而元氣虛者以人參湯吞一孕婦以人參縮
砂湯吞行後另用人參丸補之

予家夏秋患此甚眾輒依前方療之歲為常并以應
里中之索方者一一神驗黃聚川年兄太夫人年八
十餘偶患痢胃隔脹絕粒數日子以升麻人參黃連
蓮肉方授之參至一兩諸子駭甚再問予予曰遲則
不救矣一劑啜粥再劑腹中響一泄痢即止今年九
十餘尚健也

陳赤督學因交士過勞感暑遂滯下純血醫皆難

之陳刺史曰此非繆仲淳莫能療也使者旁午得之

吳門一日夜馳至武林仲淳診得其所由遂用人參

五錢升麻七分炙甘草一分烏梅二枚紅麴一分川黃連三錢

白芍藥二錢蓮肉四十粒煎調滑石末五錢二劑而愈督學

曰痢止矣心搖搖不能閱卷奈何仲淳曰此勞心太

過暑因客之故爾加竹葉乾葛酸棗仁一劑遂平

姚公遠幼子病痢一醫誤下之遂下純血氣喘身熱

不思食仲淳偶至亟以人參四五錢石蓮子白芍藥升

麻橘紅草石蠶白藕豆滑石末炙甘草投以一劑喘

平血止又數劑痢止仲淳臨別囑公遠曰兒百日内

不出痘則生以下多元氣未復故也未幾即痘果殤
家弟稚端幼病痢甚日夜數十次服數劑即愈

人參三錢 吳茱萸滾湯泡七次一錢 川黃連薑汁炒一錢 後二味飯

鍋上蒸水煎至八分溫服如不受以藥一匙間米湯

一匙漸漸飲之胃氣漸復如頭痛發熱煎方中加寒

水石六錢即硬石膏 乾葛一錢 別調六一散四錢冷水服

庚子秋華氏妹歸寧忽痢日夜幾百行身熱發嘔一

嘔數十聲不絕吳醫爭欲下之且曰補即死矣時仲

淳以先王母病留湖濱憐其促治後事甚亟曰既已

知危何不以藥試之服如金丸因思飲予因予仲淳

前方以人參錢炒 白菟豆 升麻 滑石

炙甘草 橘紅 如金丸二劑勢稍定更數服

愈華水部至今感服

友人虞元靜房中人方孕五月患滯下腹痛日不下

數次為定此方甫服一鍾覺藥行至腹即解一次痛

亦隨已滯下全愈

川黃連四錢 白芍藥三錢 黃芩三錢 白扁豆二錢 蓮肉四十 橘

紅一錢 枳殼三錢 紅麴二錢 乾葛一錢 升麻五分 炙甘草一錢

烏梅肉一枚

治毒痢及發癩時癩毒下利方

鮮金銀藤即忍冬藤數兩煎濃汁三大碗入地榆五錢川黃

連槐花濕拌黃檗二錢黃芩二錢白芍藥酒炒炙甘草二錢

升麻綠色者醋炒六分同煎至一碗調水飛過滑石末五錢

不拘時服

治濕熱腹痛

一少年貴介暑月出外飲食失宜兼以暑熱遂患滯下途次無藥病偶自止歸家腹痛不已徧嘗諸醫之藥藥入口痛愈甚亦不思食仲淳視之曰此濕熱爾其父曰醫亦以濕熱治之而轉劇仲淳曰投何藥曰蒼朮黃連厚朴枳殼陳皮等仲淳曰誤也朮性溫而

善閉氣故滯下家忌之耶君陰虛人也尤非所宜

更以滑石一兩為細末以牡丹皮汁煮之別以白芍

藥酒炒炙甘草二錢炒黑乾薑五分水煎調滑石末服之

須臾小便如注痛立止

秦公蕃病痢醫誤投瀝劑一服痢止濕熱無自而出遍攻肢體骨節間以致項強目赤肩臂腕膝足脛俱發腫痛甚不能轉側仲淳疏方寄之用白芍藥石斛牛膝木瓜黃檗薏苡仁炙甘草車前子茯苓痛雖止尚不能轉側更用蒺藜菊花何首烏胡麻黃檗炙甘草復逾年愈其始病時一醫稍投參朮痛極欲死此

廣筆言
係本證陰虛有火又加濕熱暑濕交攻故現此證名
痢風陰虛火多故不受補又不宜燥惟微寒清平之
劑調之久之自愈

凡治滯下與大腸滑泄自利不止不同滑泄自利不
止有可澁之道故古人有間用罌粟殼及訶利勒以
止其滑泄若夫滯下本屬濕熱瀯滯不行法宜疏利
藥忌堯澁大腸者肺之腑也大腸既有濕熱留滯則
肺家亦必有熱肺乃華蓋之藏經曰脾氣散精上歸
於肺通調水道下於膀胱是肺氣喜通利惡閉澁故
古人藥性中每云利肺氣其意槩可見已倘誤用罌

粟殼訶利勒使濕熱無所宣洩肺氣不得下行非惟
滯下增劇濕熱熏蒸上干乎肺則脹悶氣逆不得眠
不思食諸證至矣○又有久嗽不愈緣於肺虛有火
法當清肺潤肺忌用澁燥閉氣之藥設若誤用粟殼
訶子俾火壅於肺不得下降若兼參朮半夏卽死不
旋踵矣世醫往往蹈此覆輒相尋卒無悟者聊爲論
著敢告方來

已上瘧痢二門諸方皆仲淳斟酌所定因證加減與
時消息可謂詳且盡矣然不盡用方書所載投之輒
効百不爽一蓋獨開門戶者也

外有時行疫痢一證三十年前間或有之今則往往
夏末秋初沿門闔境患此其證大都發熱頭疼口渴
煩燥下痢溺瀉甚者一日夜行百次或兼發斑疹勢
甚危迫世醫妄指爲漏底殊不知此是時氣使然因
世人稟賦漸薄積感濕蒸厲氣所致治法當清熱解
毒表散爲急如升麻葛根柴胡黃連黃芩之類或熱
甚渴甚前藥中可加寒水石更有別證以意加減切
忌下行破氣收瀉如大黃芒硝檳榔枳實烏梅粟殼
等犯此者多致不救上

